

ԼԻԼԻԹ ՄԱՐԳԱՅԱՆ

Երևանի «Գլածոր» համալսարանի հայցորդ

**ՍԱՐԴՈՒ ԻՐԱՎՈՒՆՔՆԵՐԻ ԵՎ
ԱԶԱՏՈՒԹՅՈՒՆՆԵՐԻ ՍԱՀՄԱՆԱՓԱԿՄԱՆ
ԻՐԱՎԱՉԱՓՈՒԹՅԱՆ ՀԻՄՔԵՐՆ ՀԱՏՍ
ՍԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ
ԴԱՏԱՐԱՆԻ ՆԱԽԱԴԵՊԱՅԻՆ ԻՐԱՎՈՒՆՔԻ**

Այս հոդվածում հետազոտվում է մարդու իրավունքների և ազատությունների սահմանափակման իրավաչափության իմբռերը ըստ Մարդու իրավունքների եվրոպական դատարանի նախադեպային իրավունքի պրակտիկայի:

Հիմնարարեր-Եվրոպական դատարան, իրավունքներ և ազատություններ, իրավաչափության հիմքեր, նախադեպային իրավունք, պետական անվտանգություն, քաղաքացիական հասարակություն, դեմոկրատական հասարակություն:

Մարդու իմնական իրավունքներն ու ազատությունները սահմանափակելու իրավաչափության իմբռերը մշակվել են Մարդու իրավունքների եվրոպական դատարանի պրակտիկայում և նախադեպային իրավունքում¹: Այդ իմբռերն են. եթե այդ սահմանափակումները անհրաժեշտ են ժողովրդավարական հասարակությունում պետական անվտանգության, հասարակական կարգի պահպանման, հանգանգործությունների կանխման, հանրության առողջության ու բարոյականության, այլոց սահմանադրական իրավունքների և ազատությունների, պատվի և բարի համբավի պաշտպանության համար: Սահմանափակման նշանակած իմբռերն անհրաժեշտություն են, եթե իրավակարգին սպառնացող վտանգները հնարավոր չենքրացնել այլ կերպ, քան այդ իրավունքների ու ազատությունների սահմանափակմանը:

Բնական ազատությունը համարվում է ի սկզբան բացարձակ երևույթ, որով մարդու օժտված է ծննդյան պահից, և այն ավարտվում է մահվանը: Միևնույն ժամանակ այն ձեռք է բերում սահմանափակ բնույթ այն պատճառով, որ հասարակության մեջ անհատն ապրում է իր նման էակների միջավայրում, որոնց շահերն ու պահանջմունքները, լինելով միանգամայն տարրեր, երթեմն նաև մտնում են խոր հակասությունների մեջ: Նման դեպքերում եթե յուրաքանչյուրը փորձի իրացնել միայն իր բացարձակ ազատությունը, ապա անհնարին կլինի հասնել համացիալական նպատակների իրազրծմանը, առանց որի հասարակությունը, բնականարար նաև մարդը, գոյատել չեն կարող: Հետևաբար մարդու իրավունքների և ազատությունների սահմանափակումը, ինչպես և իրականացումը, նույնպես բնական վիճակ է:

Օրինակ, խոսքի, արտահայտվելու, սեփական կարծիք ունենալու, տեղեկատվություն և գաղափարներ ստանալու ու տարածելու ազատությունները կարող են ունենալ սահմանափակումներ: «Այս ազատությունների իրականացումը, քանի որ դրանք կայված են պարտավորությունների, պատասխանատվության հետ, կարող է պայմանավորվել... ձևականություններով, պայմաններով, սահմանափակումներով կամ պատժամիջոցներով...», -սահմանվում է Մարդու իրավունքների և հիմնարար ազատությունների պաշտպանության մասին 1950թ. նոյեմբերի 4-ի կոնվենցիայում²:

Կոնվենցիան «հուշում» է, որ արտահայտվելու ազատության իրականացումը նախատեսում է նաև «պարտավորություններ և պատասխանատվություն», ինչը նշանակում է, որ արտահայտվելու ազատության սահմանափակումը գնահատելիս հնարավոր է տարբերակված մոտեցում ցուցաբերել իրենց արտահայտվելու ազատությունն իրականացնող անձանց տարրեր խմբերի միջև (այդ թվում գինակած ուժերի ծառայողների, լրագրողների, քաղաքական գործիչների, արվեստագետների և այլն):

Եվրոպական դատարանն իր վճիռներում չի սահմանել «պարտավորությունների և պատասխանատվության» վերացական շրջանակ, այլ պարզապես նշել է, որ այս արտահայտության բովանդակությունը կախված է հեղինակի կարգավիճակից և այն տեխնիկական միջոցներից, որոնք նա օգտագործել է: Մասնավորապես Հենդիսային ընդդեմ Միացյալ Թագավորության գործով վճռում նշած է. «Պետք է որոշակի հարաբերություն լինի տվյալ անձի հատուկ կարգավիճակի և այդ կարծիքն արտահայտելու համար ընտրված միջոցի միջև» (սա բացատրվում է այսպես. քանի որ, ի տարբերություն տպագիր մա-

ԱՐԴԱՐԱԴԱՏՈՒԹՅՈՒՆ

մուլի, լրատվության տեսալսողական միջոցներն ավելի անմիջական են և ունեն ավելի հզոր ազդեցություն, «պարտավորություններն ու պատասխանատվությունը» համապատասխանորեն ավելի մեծ են):

Պրագերը և Օքերչինքն ընդդեմ Ավտորիայի գործով վճռում Դատարանը մասնավորապես նշում է. «Պրագերը չեր գործել նաև լրագրողական վարքագի կանոններին համապատասխան: Նրա կողմից կատարված ուսումնափրությունները բավարար ենք չեն նման հայտարարությունների համար: Այդ կապակցությամբ հարկ է նշել, որ դիմողը ինքը երրեցն չի հաճախել դատական նիստերին: Ավելին, նա երբեք այդ դատավորներին հնարավորություն չի տվել հանդես գալու իր դեմ ներկայացվող մեղադրանքների կապակցությամբ»³:

Կոնվենցիայի 10-րդ հոդվածի հիման վրա մամուլի կողմից հրապարակային քննադատության պաշտպանության պայմանները շարադրված են Եվրոպական նախարարական 4-րդ կոնֆերանսի գանգվածային լրատվության ոլորտում՝ քաղաքականության մասին N2 բանաձևում: Ըստ այդ բանաձևի՝ լրագրողները, մասնավորապես, պետք է՝

- հարգեն փաստերի և իրադարձությունների վերաբերյալ ճշգրիտ տեղեկություններ ստանալու՝ հասրակության իրավունքը,

- տեղեկություններ հավաքեն արդար միջոցներով,

- ներկայացնեն արդարացի տեղեկատվություն, մեկնաբանություններ և քննադատություն,

- խոսափեն մասնավոր կյանքին չարդարացված միջամտությունից, զրարդությունից և անիմն մեղադրանքներից:

Այժմ անդրադառնանք արտահայտվելու ազատության իրավունքին պետության միջամտության դրսերման ձևերին: Այդ միջամտությունը կարող է արտահայտվել հետևյալ ձևով՝

- քրեական պատասխանատվության կիրառում (սուլքանքի նշանակում կամ ազատազրկում),

- քաղաքացիական պատասխանատվության կիրառում (վնասների հատուցում),

- իրատարակման արգելում,

- լրագրողական աղբյուրների բացահայտման հարկադրություն,

- իրատարակված տպաքանակի բռնագրավում,

- հեռուստաթմբներություններին լիցենզիա տրամադրելու մերժում,

- լրագրողական գործունեությամբ գրադելու արգելում:

Կոնվենցիայի մասնակից բազմաթիվ պետությունների օրենսդրություններ նախատեսում են քրեական պատասխանատվություն զրարդության կամ վիրավորանքի համար, ինչը, ըստ էության, հե-

տապնդում է կոնվենցիայի 10-րդ հոդվածով նախատեսված իրավաչափ նպատակ՝ «այլոց հեղիանկության կամ իրավունքների պաշտպանությունը»: Չնայած այն բանին, որ զրարդության կամ վիրավորանքի համար անձին քրեական պատասխանատվության ենթարկելը հետապնդում է Կոնվենցիայով նախատեսված իրավաչափ նպատակ, որպես կանոն, Եվրոպական դատարանը գտնում է, որ արտահայտվելու ազատությունը սահմանափակելու նման միջոցը համաչափ չէ հետապնդվող նպատակին և, հետևաբար, ոչ անհրաժեշտ ժողովրդավարական հասարակությունում: Ըստ էության, Եվրոպական դատարանի նախադեպը հանդիս է գալիս պետության կողմից խոսքի ազատությանը միջամտելու նման ձևի: Զրարդության և վիրավորանքի համար լրագրողներին քրեական պատասխանատվության ենթարկելը Եվրոպական դատարանի կողմից գնահատվում է իբրև պետության կողմից խոսքի ազատությանը միջամտելու ամենավտանգավոր ձևը:

Համաձայն Եվրոպական կոնվենցիայի՝ արտահայտվելու ազատության սահմանափակումը պետության կողմից կարող է իրականացվել միայն 10-րդ հոդվածի 2-րդ կետով նախատեսված պայմաններով:

Օքերվերը և Գարդիանն ընդդեմ Միացյալ Թագավորության գործով վճռում Եվրոպական դատարանը նշում է. «Արտահայտվելու ազատությունը, ինչպես ամբազրված է 10-րդ հոդվածում, ենթակա է որոշակի բացառությունների, որոնք, սակայն, պետք է նեղ մեկնաբանության արժանանան, և ցանկացած սահմանափակման անհրաժեշտություն պետք է համոզիչ կերպով հիմնավորվի»⁴:

Բոլոր այն դեպքերում, եթե Եվրոպական դատարանի առջև խնդիր է դրվում պարզելու, թե արդյո՞ք արտահայտվելու ազատության իրավունքին պատասխանող պետության կողմից այս կամ այն միջամտությունը հանդիսանում է Կոնվենցիայի 10-րդ հոդվածի խախտում, Դատարանը վերլուծում է այս կերպ՝

- տվյալ միջամտությունը եղել է արդյոք «օրենքով նախատեսված»,

- միջամտությունը հետապնդել է արդյոք որևէ նպատակ կամ նպատակներ, որոնք 10-րդ հոդվածի 2-րդ կետին համապատասխան, հանդիսանում են իրավաչափի,

- եղել է արդյոք վիճարկվող միջամտությունը «անհրաժեշտ ժողովրդավարական հասարակությունում» նշված նպատակին կամ նպատակներին հասնելու համար: Գնահատելու համար, թե արտահայտվելու ազատության իրավունքին առնչվող պետության կողմից միջամտությունը Կոնվենցիայով

թույլատրելի սահմաններում է, Եվրոպական դատարանը առաջնահերթ կերպով պարզում է, թե տվյալ միջամտությունն արդյոք նախատեսված է պատասխանող պետության օրենքով:

Հարկ է ընդգծել, որ արտահայտվելու ազատության իրավունքի սահմանափակման՝ «օրենքով նախատեսված» լինելու պահանջը, նախ և առաջ, ենթադրում է երկրի օրենսդիր մարմնի կողմից ընդունված և իրապարակված օրենքի առկայություն:

Բայց միշտ չէ, որ պատասխանող պետության ներպետական իրավունքում վիճարկվող սահմանափակման համար հիմք հանդիսացած օրենքի առկայությունը Դատարանն ընդունում է իրեն «օրենքով նախատեսված» լինելու պահանջի բավարարում: Համաձայն Դատարանի «սահմանած» նախադեպային իրավունքի՝ «օրենքով նախատեսված» արտահայտությունը պահանջում է, որ Կոնվենցիայով նախատեսված իրավունքին պետության միջամտությունը հենվի ներպետական օրենսդրության վրա, և խնդրի առարկա հանդիսացող օրենքն իր որակով լինի մատչելի շահագրգիռ անձի համար և կանխատեսելի⁶: Հարկ է նշել, որ արտահայտվելու ազատության սահմանափակումը հետապնդում է Կոնվենցիայի 10-րդ հոդվածի 2-րդ կետով հետապնդում որևէ նպատակ: Ըստ Էության, 10-րդ հոդվածի 2-րդ կետը սպառիչ կերպով սահմանում է այն արժեքները, որոնց պաշտպանության նպատակը քոյլ է տալիս արտահայտվելու ազատության սահմանափակումների կիրառում: Այդ արժեքները հետևյալներն են՝

1. պետական անվտանգությունը,
2. տարածքային ամբողջականությունը կամ հասարակության անվտանգությունը,
3. անկարգությունների կամ հանցագործությունների կանխումը,
4. առողջությունը կամ բարոյականությունը,
5. այլ անձանց հեղինակությունը կամ իրավունքները,
6. խորհրդատվական պայմաններով ստացված տեղեկատվության բացահայտման կանխումը,
7. արդարադատության հեղինակությունն ու անշառությունը:

Թվարկված արժեքների պաշտպանությունից զատ որևէ այլ նպատակով կիրառված արտահայտվելու ազատության իրավունքի սահմանափակումը համարվում է Կոնվենցիայի 10-րդ հոդվածի խախտում: Այդ արժեքների պաշտպանության նպատակներն ընդունված է որպես «իրավաչափ նպատակներ»:

Կոնվենցիայի քննարկվող հոդվածում վերոհիշյալ իրավաչափ նպատակներից շատերն ընդիմանուր ու նույնական են այն իրավաչափ նպատակների հետ, որոնք կարող են հիմք հանդիսանալ անձնա-

կան և ընտանեկան կյանքը հարգելու իրավունքի (8-րդ հոդված), մտքի, խղճի և կրոնի ազատության իրավունքի (9-րդ հոդված), հավաքների և միավորման ազատության իրավունքի (11-րդ հոդված) սահմանափակման համար:

Ըստ Էության ընդհանուր են պետական անվտանգության պաշտպանության, անկարգության կամ հանցագործությունների կանխման, առողջության կամ բարոյականության և այլոց իրավունքների պաշտպանության նպատակները:

Կոնվենցիայի 10-րդ հոդվածի 2-րդ կետով պայմանավորված խոսքի ազատության առանձնահատկություններով և բնույթով սահմանված են նաև առանձին իրավաչափ նպատակներ: Վերջիններս հատուկ են միայն խոսքի ազատության սահմանափակումներին: Նշված իրավաչափ նպատակների թվում են՝

- տարածքային ամբողջականությունը կամ հասարակության անվտանգությունը,
- այլոց հեղինակության պաշտպանությունը,
- խորհրդապահական պայմաններով ստացված տեղեկատվության բացահայտումը կանխելը,
- արդարադատության հեղինակությունը և անաշառությունը պահպանելը:

Կարևոր է ընդգծել, որ միշտ չէ, որ Եվրոպական դատարանն ընդունում է պատասխանող կառավարությունների արտահայտվելու ազատության սահմանափակումը հիմնավորող փաստարկները (ի դեպ, Եվրոպական այդ կառույցի պրակտիկայում հնարավոր չէ ցույց տալ որևէ գործ, որում արտահայտվելու ազատության սահմանափակումը վերը թվարկված որևէ իրավաչափ նպատակ չի հետապնդել):

Չի կարելի շրջանցել նաև Եվրոպական այս կարևոր կառույցի մեկ այլ փաստարկ. դատարանը, իր ուսանելի պրակտիկայից ենթերով, գտնում է, որ հենց իր կողմից Կոնվենցիայի նասնակից պետություններին սահմանափակման անհրաժեշտությունը և՛ որակելու, և՛ գմանատելու խնդրում տրամադրվող հայեցողության շրջանակները նույնը չեն: Այն դեպքերում, եթե վիճարկվող սահմանափակումն ուղղված է «պետական անվտանգության» պաշտպանության կարևոր նպատակին, պետությունների հայեցողության շրջանակը պետի լայն է, քան մյուս դեպքերում: Դա բացատրվում է սրանով, որ ներպետական իշխանությունները (ի տարբերություն միջազգային դատավորների) պետի բարենպատ դիրքում են գտնվում (նկատի է առնվում սահմանափակման անհրաժեշտությունը գնահատելու գործընթացում):

Ամբողջացնելով տարբեր գործերի մասնավոր հանգամքների հետ կապված մի շարք պայմանների բազմազանությունը՝ Եվրոպական դատարանը գա-

ԱՐԴԱՐԱԴԱՏՈՒԹՅՈՒՆ

լիս է այն եզրահանգմանը, որ «պետական անվտանգության պաշտպանության» նկատառումներով արտահայտվելու ազատության սահմանափակումները վիճարկելու վերաբերյալ գործերը դասվում են այն գործերի շարքին, որոնց պարագայում դատարանն առավել հաճախ է հակվում ճանաչելու արտահայտվելու ազատությունը սահմանափակվելու հնարավորությունը:

Մեկ այլ գործով Եվրոպական դատարանը գտնում է, որ «պետական անվտանգության» պաշտպանության նպատակով կիրաված դիմողի՝ տեղեկություններ ստանալու ազատության սահմանափակումն անհրաժեշտ է եղել ժողովրդավարական հասարակությունում զինված ուժերի արդյունավետությունն ապահովելու համար։ Եվրոպական դատարանի նույն այդ գործով վճռում կարդում ենք. «Ոչ մի կասկած չի կարող լինել այն կապակցությամբ, որ պայմանավորվող պետությունները պետական անվտանգության պաշտպանության նպատակով կարիք ունեն համապատասխան օրենքներին, որոնք իրավասու ներպետական մարմիններին վերապահում են»։

1. հասարակությանը ոչ մատչելի տեղեկություններ հավաքելու և պահելու իրավասություն,

2. այդ տեղեկությունները պետական անվտանգության համար կարևոր պաշտոններում թեկնածուների ընտրության ժամանակ օգտագործելու իրավասություն»։

Եվրոպական դատարանի մեկ այլ վճռում արվում է հետևյալ ամրագրումը. «Եթե դատապարտումը նպատակ ունի պատմել գաղտնի «համարվող ռազմական ծրագրերի վերաբերյալ տեղեկությունների բացահայտումը, ապա և նպատակ ունի պաշտպանել պետական անվտանգությունը», ինչն իրավաչափ նպատակ է 10-րդ հոդվածի 2-րդ կետի նպատակների համար։ Հարկ է նշել, որ «պետական անվտանգություն» ձևակերպման պարզ մեկնաբանությունը ենթարկում է պետության ապահովությունն ընդդեմ թշնամիների, որոնք կարող են փորձել քուլացնել նրա ուժերը պատերազմում կամ տապալել կառավարությունը ապօրինի միջոցներով։

Կոնվենցիայի 10-րդ հոդվածի 2-րդ կետում (ի տարրերություն 8-րդ, 9-րդ և 11-րդ հոդվածների) «պետական անվտանգության» պաշտպանության նպատակի հետ միասին սահմանված է նաև «տարածքային ամրողականության» պաշտպանության նպատակը։ Խիստ կարևոր է ընդգծել, որ մի շաբթ դեպքերում «տարածքային ամրողականության» պաշտպանության նպատակը կարող է հանդես գալ «պետական անվտանգության» պաշտպանության նպատակի ներքո։ Սա է հենց այն պատճառը, որ, չնայած թվարկված 8-րդ, 9-րդ, 11-րդ հոդվածներում

«տարածքային ամրողականության» պաշտպանության իրավաչափ նպատակի բացակայության, նույն այդ նպատակը կարող է վկայակոչվել իրեն (համապատասխանարար) անձնական և ընտանեկան կյանքի, մտքի, խոճի և կրոնի, հավաքների և միավորման ազատության սահմանափակման հիմք։

Անդրադանար նաև անկարգությանը կամ հանցագործությունների կանխմանը։ Եվրոպական դատարանը որոշակի կերպով տարանջատում է «կարգ» և «հասարակական կարգ» հասկացությունները։ Ըստ դատարանի՝ «կարգ» հասկացությունը վերաբերում է և հասարական կարգին, և այն կարգին, որը պետք է գերիշխի առանձին սոցիալական խմբի շրջանակներում։

Օրենքը նախատեսում է, որ «ազատ ժողովրդավարական սահմանադրական կարգը» սպառնացող «վերահաս վտանգներից» պաշտպանելու համար իրավասու մարմինները կարող են բույլատրել սահմանափակումներ», - ամրագրում է Եվրոպական դատարանը իր վիճուններում։ Իր մեկ այլ գործով վճռում այդ նույն դատարանը մատնանշում է, որ դիմոնի արտահայտվելու ազատությանը պետությանը միջամտության նպատակը պետական իշխանության պահպանումն է։

Եվրոպական դատարանը Սութրոնիկ AG-ն ընդդեմ Ըկեյցարիայի գործով նույնպես անդրադանում է կարգին, որի պաշտպանության համար տեղի էր ունեցել միջամտություն արտահայտվելու ազատությանը (միջազգային ռադիոհաճախականություններով)։ Դատարանը նշում է. «Հաշվի առնելով առկա հաճախականությունների սահմանափակ քանակը՝ միջամտությունը կարևոր էր կամնելու համար այն, ինչը կարող էր առաջանալ տեղեկատվության սահմանափակ միջազգային շրջանառության արդյունքում»։

Ըստ Էության, «անկարգության կանխում» հասկացությունը մոտ է «հանցագործությունների կանխում» հասկացությանը։ «Հանցագործությունների կանխում»-ը, ըստ Եվրոպական դատարանի նախադատային իրավունքի, վերաբերում է ոչ միայն ապագայում տեղի ունենալիք հնարավոր հանցագործություններին (որում մեջ ներառված է արդեն կատարված հանցագործության կապակցությամբ ընթացող հետաքննության պաշտպանությունը)։ Դատարանն ամրագրում է, որ նպատակի հետապնդումը կարող է «արդարացնել միջամտության ավելի լայն ծավալի միջոցառումները, եթե դրանք կիրառվում են ազատագրկած անձի նկատմամբ, քան այն դեպքում, եթե դրանք կիրառվում են ազատության մեջ գտնվող անձի նկատմամբ»։ Փաստորեն, նման մոտեցում կարելի է դրսերել այն անձի նկատմամբ, որը գտնվում է կալանքի տակ, և որի կատարած գործողու-

թյունների կապակցությամբ ընթանում է հետաքննություն (այս դեպքում առկա է գաղտնի համաձայնության գալու վտանգը): Համաձայն դատարանի նախադատյանին իրավունքի՝ գործողորչունը, որը կանխելու նպատակով քոյլատրվում է արտահայտվելու ազատությանը միջամտել, պետք է լինի քրեականը ուղարկել:

Այժմ՝ առողջության կամ բարոյականության պահանձնման նպատակով սահմանափակման մասին: Նշենք, որ, համաձայն Եվրոպական դատարանի նախադատյանին իրավունքի, «քարոյականությունը» առաջին հերթին ներառում է «պարկեշտության վերաբերյալ պատկերացումները»: Այս իմաստով «քարոյականության պաշտպանությունը» նշանակում է բնակչության պաշտպանությունն այնպիսի վարքագծից, որը հասարակության համար կարող է լինել խոցելի:

Կարենք է նշել, որ «քարոյականությունը» չի սահմանափակվում միայն «պարկեշտության» և «քարեկրության» գաղափարներով. այն ներառում է նաև ճշմարտի և ոչ ճշմարտի վերաբերյալ տվյալ հասարակությունում առկա հիմնարար գաղափարներ:

Հստ Եվրոպական դատարանի նախադատյանին իրավունքի՝ արտահայտվելու ազատության սահմանափակումներին վերաբերող գործերը, որոնց առնչությամբ դատարանը Կոնվենցիայի 10-րդ հոդվածի խախոտում չի արձանագրել, հիմնականում վերաբերում են այն դեպքերին, երբ տվյալ սահմանափակումը կիրառվում է «քարոյականության պահպանման նկատառումներից ելնելով»:

Հստ Եվրոպական դատարանի՝ «դատական իշխանությունը» ներառում է արդարադատության իրականացման կառուցակարգը (դատավորներին, որոնք գործում են իրենց պաշտոնական կարգավիճակում¹⁰): Շատ են արձանագրված դեպքերը, երբ պետությունները դատական իշխանության հեղինակության պաշտպանության նախական սահմանափակում են արդարադատության իրականացման ընթացքի վերաբերյալ տեղեկատվություն տարածելու՝ մասունք ազատությունը (նմանօրինակ սահմանափակումը դրսերվում է կամ որևէ դատաքննության ընթացքի վերաբերյալ լրատվական միջոցների հրապարակումն արգելելու, կամ նման տեղեկատվություն հրապարակած լրագրողին պատասխանատվության ենթարկելու, կամ որևէ այլ միջոցով):

Վերոհիշյալի նկատմամբ կիրառվող սահմանափակումների վերաբերյալ Եվրոպական դատարանի ընդհանուր սկզբունքն այս է. «հասարակական կարևորագույն հարցերի վերաբերյալ կարծիքները արտահայտելու ազատության հիմնարար սկզբունքը և այդ ազատության պաշտպանության բարձր

մակարդակը հավասարապես կիրառելի են նաև արդարադատության ոլորտի նկատմամբ, քանի որ արդարադատությունը ծառայում է ողջ հասարակության շահերին»:

Հստ Դատարանի եզրահանգման՝ «Մամուլի ազատությանը վերաբերող սկզբունքները հավասարապես կիրառելի են արդարադատության իրականացման ոլորտի նկատմամբ, որը ծառայում է ընդհանուր առմամբ հասարակության շահերին և պահանջում է տեղեկացված հասարակության համագործակցություն: ԶԼՄ-ները չպետք է դուրս գան արդարադատության պատշաճ իրականացման շահերից՝ ելնելով սահմանված շրջանակներից¹¹: Արդարադատության հեղինակության պաշտպանության նկատառումներով արտահայտվելու ազատության սահմանափակման դրսերում է հանդիսանում դատավորներին գրպարտելու կամ վիրավորելու համար լրագրողներին պատասխանատվության ենթարկելը:

Եվրոպական դատարանը, ճանաչելով դատավորներին, նրանց գործունեության քննադատության ազատությունը, անհրաժեշտ է համարում նրանց պաշտպանվածության ապահովումը ոչնչով չարդարացվող հարձակումներից՝ հատկապես նկատի ունենալով այն, որ դատավորների վրա դրվագ է զուսպ լինելու պարտականություն, ինչը խոչընդոտում է նրանց իրենց դեմ ուղղված քննադատությանը պատասխանելուն:

«Որպես իրավական պետությունում հիմնարար արժեքի արդարադատության երաշխավոր՝ դատական համակարգն իր պարտականությունները հաջողությամբ կատարելու համար պետք է օգտվի հասարակական վատահությունից: Ուստի, անհրաժեշտ է նման վատահությունը պաշտպանել անհիմն վնասակար հարձակումներից»,՝ կարդում ենք Պրագերը ու Օքերշիբը ընդուն Ավստրիայի գործով վճռում:

Այսպիսով, որպեսզի արտահայտվելու ազատությանը ներպետական մարմինների միջամտությունը համարվի «անհրաժեշտ ժողովրդավարական հասարակությունում», այն պետք է սկզբունքորեն արդարացված լինի և համաշափ այն նպատակին, հանուն որի կատարվել է, պետք է գոյություն ունենա համամասնության ողջամիտ հարաբերակցություն կատարված միջամտության և հետապնդվող նպատակի միջև: Բացի նշվածից, տվյալ միջամտության անհրաժեշտությունը, միջամտության և հետապնդվող նպատակի միջև համաշխափության ու համամասնության գոյությունը պետք է հիմնավորվեն համոզիչ ու բավարար կերպով:

¹ Տես Մարդու իրավունքների և հիմնարար ազատությունների պաշտպանության մասին Եվրոպական կոնվենցիայի և դրան կից արձանագրությունների մեկնաբանություն: Մարդու իրավունքների Եվրոպական դատարանի նախադեպային իրավունքը: Վ.Հ. Հովհաննիսյան, Զ.Գ. Ղուկասյան, Լ.Օ. Հակոբյան Լ.Ս. Հակոբյան: Երևան, 2005: Նաև՝ Միկել Շալվա, Պրեզենտեր Եվրոպական Սույն դատարանի պատճենագործության մասնակցությամբ միջազգային:

² Տես Մարդու իրավունքների վերաբերյալ Հայաստանի Հանրապետության մասնակցությամբ միջազգային պայմանագրեր: Փաստաթուրերի ժողովածու: Գիրք Ա., Երևան, 2001, էջ 28:

³ Տես Պրագերը և Օրերշլիքն ընդդեմ Ավստրիայի գործով վճիռ, կետ 37:

⁴ Տես Օրգերվերը և արդյանը ընդդեմ Սիացյալ Թագավորության գործով վճիռ, կետ 59:

⁵ Տես «Սանդի Թայմսը» ընդդեմ Սիացյալ Թագավորության գործով վճիռ, կետ 45:

⁶ Տես Ռոտարուն ընդդեմ Ռումինիայի գործով վճիռ, կետ 52; Էյմանն ընդդեմ Շվեյցարիայի գործով վճիռ, կետ 50; «Սանդի Թայմսը» ընդդեմ Սիացյալ Թագավորության գործով վճիռ, կետ 49:

⁷ Տես Լեանդերն ընդդեմ Շվեյցարիայի գործով Եվրոպական դատարանի վճիռը:

⁸ Տես Klass and others v. the Federal Republic of Germany, Judgment of 6 Sep. 1978:

⁹ Կոնվենցիայի 8-րդ հոդվածի 2-րդ կետ:

¹⁰ Տես «Սանդի Թայմսը» ընդդեմ Սիացյալ Թագավորության գործով վճիռ, կետ 55:

¹¹ Նույն, կետ 65:

¹² Տես Ալան Յակոբսոնն ընդդեմ Շվեյցարիայի գործով 1989թ. հոկտեմբերի 25-ի վճիռը:

Լիլիտ Սարգսյան
коиссакатель Ереванского университета “Гладзор”

РЕЗЮМЕ

Основы правомерности ограничения прав и свобод человека по прецедентному праву Европейского суда по правам человека.

В настоящей статье исследуются правовые основы ограничения прав и свобод человека, согласно правоприменительной практике Европейского суда и прецедентному праву.

Ключевые слова: Европейский суд, права и свободы, основы правомочия, прецедентное право, государственная безопасность, гражданское общество, демократическое общество.

Lilit Sargsyan
competitor,
Yerevan “Gladzor” University

SUMMARY

Principals of human rights and freedoms restrictions in accordance with the case law of the European Court of Human Rights

This article examines the legal framework limiting human rights and freedoms, according to the legal practice of the European Court and the case-law.

Keywords: European Court, rights and freedoms, bases for competence, Case Law, state security, civil society, democratic society.